

qinnuteqartoq:	qinnuteqaassutaq / siunertaq & piviusunngortilersaagarlu:	akuersissut:
Ivik Samuelsen Nuuk	Ivik Samuelsen Nuuk Paarlaaqatigiinnikkut Italien-imiinneq piffissami 10. september 2021-miit 10. juli 2022-mut aaqqissuisoralugu AFS Interkultur Danmark.	6.000
Arnaq Ruth Davidsen Nuuk	Arnaq Ruth Davidsen Nuuk Paarlaaqatigiinnikkut Spanien-imiinneq piffissami 10. september 2021-miit 25. juni 2022-mut aaqqissuisoralugu AFS Interkultur Danmark.	6.000
Marie Middelfart Nuuk	Isoa Maxwell Nuuk Paarlaaqatigiinnikkut USA-miinneq piffissami 31. august 2021-miit 15. juni 2022-mut aaqqissuisoralugu Explorius Danmark.	6.000
Evi Kreutzmann Nuuk	Max Albrecht Kreutzmann Nuuk Paarlaaqatigiinnikkut Norge-miinneq piffissami 14. august 2021-miit 26. juni 2022-mut aaqqissuisoralugu AFS Interkultur Danmark.	6.000
Maibritt Lennert Sisimiut	Minngortuunnguup Atuarfia, 9B Sisimiut Paasisassarsiorluni Nuuk-mut angalaneq atuaqatigiit 13-it 2-nik ingiaqateqarlutik piffissami 25. maj-miit 04. juni-mut 2021.	6.500
Aima Qujaukitsoq Nuuk	Nuussuup Atuarfia, 9A Nuuk Paasisassarsiorluni Sisimiut-nut angalaneq atuaqatigiit 12-it 3-nik ingiaqateqarlutik juni 2021-mi.	6.000



qinnuteqartoq:	qinnuteqaassutaq / siunertaq & piviusunngortilersaagarlu:	akuersissut:
Aima Qujaukitsoq Nuuk	Nuussuup Atuarfia, 9A Nuuk Atuartoq paasisassarsiorlutik angalasunut ilassut ataaseq 13-niulerlutik 3-nik ingiaqateqarluik juni 2021-mi.	500
Navarana Møller Kangaatsiaq	Kangaatsiap Atuarfia, 9. kl. Kangaatsiaq Paasisassarsiorluni Nuuk-mut angalaneq atuaqatigiit 9-it 2-nik ingiaqateqarlutik piffissami 27. august - 10. september 2021.	9.000
NunaFonden Nuuk	Avannaani Ilinniarnertuunngorniarfik GUX Asiaat Asiaat Soraarummeerneq 2021. Ajunngitsorsiassat 2021. GUX-erluni ilinniarfiit. Atuarnermut peqataanersat ilinniakkallu tunniussassat piffissaatillugu tunniussisartut. Aggvaqatigiisillugu misilitsinnermi angusarinnerit pingasut. GUX-erfinni ataa-siakkaani ajunngitsorsiassat, ilungersornerpaaq, atuarluaqataanerpaaq aamma ilinniarfiup ajunngitsorsiassaqaqtitsinera.	49.000
NunaFonden Nuuk	Sanaartormik Ilinniarfik GUX Sisimiut Sisiamiut Soraarummeerneq 2021. Ajunngitsorsiassat 2021. GUX-erluni ilinniarfiit. Atuarnermut peqataanersat ilinniakkallu tunniussassat piffissaatillugu tunniussisartut. Aggvaqatigiisillugu misilitsinnermi angusarinnerit pingasut. GUX-erfinni ataa-siakkaani ajunngitsorsiassat, ilungersornerpaaq, atuarluaqataanerpaaq aamma ilinniarfiup ajunngitsorsiassaqaqtitsinera.	45.000



qinnuteqartoq:	qinnuteqaassutaq / siunertaq & piviusunngortilersaagarlu:	akuersissut:
NunaFonden Nuuk	Qeqqani Ilinniarnertuunngorniarfik GUX Nuuk Nuuk Soraarummeerneq 2021. Ajunngitsorsiassat 2021. GUX-erluni ilinniarfiit. Atuarnermut peqataanersat ilinniakkallu tunniussassat piffissaatillugu tunniussisartut. Agguaqatigiisillugu misilitsinnermi angusasarinnerit pingasut. GUX-erfinni ataa-siikkaani ajunngitsorsiassat, ilungersornerpaaq, atuarluaqataanerpaaq aamma ilinniarfiup ajunngitsorsiassaqaartitsinera.	55.000
NunaFonden Nuuk	Campus Kujalleq GUX Qaqortoq Qaqortoq Soraarummeerneq 2021. Ajunngitsorsiassat 2021. GUX-erluni ilinniarfiit. Atuarnermut peqataanersat ilinniakkallu tunniussassat piffissaatillugu tunniussisartut. Agguaqatigiisillugu misilitsinnermi angusasarinnerit pingasut. GUX-erfinni ataa-siikkaani ajunngitsorsiassat, ilungersornerpaaq, atuarluaqataanerpaaq aamma ilinniarfiup ajunngitsorsiassaqaartitsinera.	49.000
Katti Frederiksen Nuuk	Iperaq.com Nuuk Atuakkap Affarmik Ataata (Halvfar) Per Bloch-imit allanneqartoq, kalaallisuunngorlugu nutserneqarluni Aminnguaq Dahl Petrussen-imit, saqqummersitsisarfimmit Iperaq.com-imit saqqummersinneqarluni.	5.000
Helene Brochmann Gentofte	Forlaget Vandkunsten København Atuagaq ataaseq oqaatsit arlallit atorlugit saqqummersinniaraluarami, kisianni aalajangiunneqarpoq atuagaq immikkut kalaallisut saqqummissasoq - akuersissutaareersumut ilassut. Arkaluk Biancos assiutai - atuagaq Tunumi 50-ikkunni aamma 60-ikkunni assilisanit imalik.	2.500

qinnuteqartoq:	qinnuteqaassutaq / siunertaq & piviusunngortilersaagarlu:	akuersissut:
	<p>Saqqummersitsisarfik Forlaget Vandkunsten suleqatigalugu suliniutigaara atuakkap immikkorluinnaq ittunik assilisanit imalik Tunumi Ammassalik-up eqqaani pisunit 1950-ikkunni aamma 1060-ikkunni. Saqqummersitsineq piorsarsimaasutsikkut oqaluttuarisaanermut pingaaruteqassaq, kisianni piviusunngussappat aningaasaliisoqar-nissaa pisariaqarluni.</p> <p>Assiliasat Arkaluk Bianco-mit (1921 - 1986) assilisaapput. Arkaluk-p ataataa kalaallit siulliit KGH-mi sulilersut ilagaat nunasiaanerup nalaani, niuertoqarfittut 1894-mi sumiiffimmi pilersinneqartoq. ArKaluk nammineq 14-ninik ukioqarluni 1935-mi ilin-niagaqartunngorpoq, inuunilu tamaat pisiniarfimmi ingerlatsisut aamma allakkeri-sutut sulilluni. Inuuvoq immikkut malunnaatilik aamma sorpassuartigut siuttuusutut inissisimasooq. Siuttuuffigisa ilagaat assiliivimmik atuneq. Tamanna pikkoriffigisi-mavaa. Ilaquttani kisiisa assilisarsimanngilai aamma najukkami pisut kisiisa naam-maginagit, annerusumik innuttaasut kikkussusersimavai - najukkami inooqataasut tamaasa, inuit sulisut, piorsarsimaasitoqaaq, sanaartukkat nutaat allallumi.</p> <p>Atuakkiortoq 1-seq + allarpassuillu assini kikkut kikkunerinik aaqqiiniarnermi paa-sissutissanik piviusunngortilersaakkami ikiuussimasut.</p>	
<p>Malin Corlin Nuuk</p>	<p>Nummi Spejderit - Nuuk Spejdergruppe Nuuk Spejderit Kapisillik-nukarnissaaq. Nummi Spejderit pillugit: Nummi Spejderit - Nuuk Spejdergruppe - Nummi meeqqanut spejdereqatigiit-tuupput. Maanna 50 missaaniillutik 1. klassemiit 10. klassemut atuartuullutik aam-ma siuttut 13-llutik. Siunertaraarput naleqartitsineq aamma inunnik allanik isiginne-riaaseq spejderit naliliisarneranut qanigulluinnartoq. Ataatsimut isigalugu neriup-pugut Nunatsinni meeqqat inuusuttullu inuttut ineriartornissaannut aamma allat peqatigalugit aqqusersuiniarluta. Taamatuttaaq aamma nuannaarnermik misigisa-qaatigalutik.</p> <p>Pingaartipparput spejderitut suliaqarneq piorsarsimassuseqarnerup aamma sumiif-fimmi avatangiisinit atorluaanermi aallaaveqassasut. Nunatsinni spejdereq orpip-passualiararluni kanaartanik sanalugassaminik aallersinnaangilaq. Taamaakkaluar-</p>	<p>18.050</p>

qinnuteqartoq:	qinnuteqaassutaq / siunertaq & piviusunngortilersaagarlu:	akuersissut:
----------------	---	--------------

toq Nunatsinni spejdereq qaqqanukarsinnaavoq, imaani isumannaatsumik angalanermut ilikkagaqarluni aamma nammineq unnukkorsiutissaminik saarullimmik pisaqarsinnaalluni taannalu tisasinnaalersinnaallugu. Meeqqanut kalaallit erinarsuutaannit erinarsortarpugut, kalaallit oqaluttuatoqaannit atuarlutalu. Ilaannikkut kalaallisut ilaannikkullu qallunaatut.

Spejderinut suliniuteqarnitsinni meeqqat kikkulluunniit peqataasinnaapput, aamma meeqqat spejderitut piffissamik atuisinnaaneranut pisinnaalluurtunit angajoqqaqanngitsut. Taamaammat peqataanermi aningaasartuutit appasinniartittuurtarpavut, taamaaliornikkut amerlanerpaat peqataasinnaassammata. Taamaammat NunaFonden tapiissutinik qinnuteqarfigaarput.

Spejdereqatigiit Kapisilinnukarnissaat:

Augustimi spejdereqatigiit inuusunnit immikkuuarartortaassaavut, tassa angajullit meeqqat atuarsiini 7. - 10. klassertut. Nutaat peqataalersussat ilanngullugit spejdereqatigiit 12-ussaput aamma 5-minik aqutsisoqarlutik.

Angalaqatigiinnissami uani siunertaavoq spejdereqatigiit 'nutaanngitsut' 'nutaallu' akuleriilluarnissaat, kiisalu takutinneqassalluni spejderit angajulliuneq qanoq imaqarnerisooq pisussaaffeqarnerisooq, ilaatigut unammillerneqarnerisooq, ilaatigut angalaqatigiinnermut atatillugu. Naliginnaasumik angalaneq ineriartornartumik suliniuteqarfiussaaq, spejderit ileqquattut suleqatigiinneq qitiutillugu, uteriinneq (pitsaasumik uteriinneq) aamma ikinngutaalluarnertu.

Pilersaarutit aallaavigalugit tallimannngornerup ualiani Kapisillit-nut ingerlaviussaaq, tammaarsimaffiliorluni aamma iluataaqatigiilluni. Arfininngorneq aamma sapaat tammaarsimaffimmiit aallavilimmit ulloq naallugu pisuttuarneq. Arfininngornermi kamipparalaat atineqassapput, pisuttuarneq kangerlummi sermermut ingerlassamat. Naatsorsuutigaaarput tassani ullup qeqqasiussalluta, tamatuma kingorna angerlamut saassalluta. Sapaammi qallunaatsiaqarfikumut qaninnermut ingerlassavut, tamatuma kingorna angerlamut spejderit qasulluarsimasut saassallutik.

Pilersaarut: Tallimannngorneq, 24. september:

nal. 15: Nuuk-miit aallarneq, Kapisillit-nut apuunneq nal. 17. immaqalu suluppaakanit pisaqartarfimmi uneqqaarluni unnukkut nerisassat qaqqillugit, tammaarsimaffimmik pilersitsineq, unnukkorsiorneq aamma ikumatitsilluni ilorrisimaarneq.

qinnuteqartoq:	qinnuteqaassutaq / siunertaq & piviusunngortilersaagarlu:	akuersissut:
	<p>Arfininngorneq, 25. september: nal. 7: itersaaneq aamma ullaakkut eqaarsaaneq nal. 7.30 ullaakkorsiorneq, erruineq, taquassiorneq, asattornerlu nal. 9.30 ulloq naallugu kangerlummut sermermukarneq nal. 13.30: pinngortitami ullup qeqqasiorneq nal. 17: angerlamut apuunneq Unnukkorsiorneq aamma ikumatitsitsilluni ilorrisimaarneq Sapaat, 26. september: nal. 7: itersaaneq aamma ullaakkut eqaarsaaneq nal. 7.30 ullaakkorsiorneq tamaarsimaffillu isaterlugu nal. 9.30 qallunaatsiaqarfikumut alakkaaneq, tammaarsimaffiup qanittuaniittumut nal. 14: Kapisillit-niit aallarneq nal. 16: Nuuk-mut tikinneq Inuit 17-it suliniummi peqataapput.</p>	
<p>Ellen Biilmann Mathiesen Nuuk</p>	<p>Nuuk-mi Utoqqaat Illuat-ni najugallit Nuuk Helsekabine. Utoqqaat Illuat-nit atuisut 46-pput, utoqqaanerit assigiinngitsunit nappaateqartiterput, puigornermik nalaarneqarsimalluik, anersaartorniarnikkut ajornartorsiuteqarlutik, aanaartoorsimallutik, gigt-ipalaarlutik, annertusiartortumik timimikkut qerattariartorlutik ataatsimullu isigalugu timimikkut sanngiilliartorlutik. Utoqqaat Illuat-ni atugassamik helsekabine-mit qinnuteqaassivunga anguniarlugu utoqqaat oqinnerusumik ulluinnaqalernissaat. Helsekabine-p atorneratigut utoqqaat nukimmikkut anniaataat annikillissapput, avataat ajornannginnerusumik aalsinnaanerit anguneqarluni, gigt-ipalaamik iluaallioortut anniarunnaassallutik, tamatigut iluaatsorsiornerat annikilliluni, aavisa kaavinnerat ajornannginnerulerluni tamatumalu kingunerissallugu uumatiminnit ajornartorsiuteqarnerat aamma nappaatit kingunerusartut annikillillutik aamma anersaartorniarnernerat ajornannginnerulerluni. Timermik iluaalliornerit, pullattoornerit, aseruuttoornerit annertussusikkut aamma amerlassutsimikkut annikillissapput, aseruunnerit mamijaartarnerulerlutik,</p>	<p>10.000</p>

qinnuteqartoq:	qinnuteqaassutaq / siunertaq & piviusunngortilersaagarlu:	akuersissut:
	<p>aamma oqimaappallaartut oqinnerulerlutik.</p> <p>Anguniagaraarput utoqqaat inuunermi naajartornerani oqinnerunik atugaqalernissaat, suliniutiguarparput atortorissaarutininik pissarsisarnissaq taakku atorlugit ullinnaat atoruminarninngorlugit, suliniutiguarput uffarfittarnissaq (ineeraq), kikkut tamarmik atorsinnaasaat, taamaammat helsekabine-taarnissamut taperneqarnissamut qinnuteqarpugut.</p> <p>Inuit 46-it suliniummi peqataapput.</p>	
Frederik Fuuja Larsen Nuuk	<p>Nunatta Katersugaasivia Nuuk</p> <p>Nunatta Katersugaasivia & Toqqorsivia isiginnaagassiamik saqqummiinissamut aningaasaliinissamut qinnuteqarpoq.</p> <p>Matumuuna ingerlatinneqarpoq ilaanaasumik aningaasatigut tapiiffiqineqarnissaq aningaasat atorineqartussaallutik oktober 2021-mi isiginnaagassiamik piareersaallunilu saqqummiussinissamut.</p> <p>Nunatta Katersugaasivia & Toqqorsivia-ta naaggaartuunerup eqqunneqarneranut ukiut 300-nngornerat taamaaliorniarniluni suliniutinit assigiinngitsunit, soorlu saqqummersitsinerit aamma suliasaqaarfimmi pikialaartitsinissanut, illoqarfiit anner-saanni aamma sumi tamani qarasaasiakkut takuneqarsinnaanngorlugit.</p> <p>Ukiassamut pikialaartitsissutissat ilagaat ilitersuisumik, Vivi Sørensen, aamma isiginnaartitsisartut marluk suleqatigalugit isiginnaagassiamik saqqummiinissaq. Isiginnaagassiami aallaaviussaag 'Den femte Thuleekspedition', aamma ilisimasassarsiorluni angalanerup aallartinnerata ukiut 100-nngornerinut malunnartitsisussaag. Ilisimasassarsiorneq qulaani taaneqartoq september 1921-mi Nuuk-miit aallaaveqarpoq, Canada-mut Alaska-mullu ingerlalluni peqataallutik ilisimasassarsiorlut qallunaat aamma inughuit.</p> <p>Inughuit.</p> <p>'Den femte Thuleekspedition' ukiuni pingasuni ingerlavoq sorpassuartigullu ilutsilluakkatut taaneqartarluni. Angalanermut tunngatillugu arlalissuarnik saqqumiisoqartarpoq. Taamaakkaluartoq ilisimasassarsiornermi inughuit peqataassutaat ersitsinneqanngiusarluni. Taakkumi issittumi erloqinartumik angalasinnaanermut pigin-</p>	20.000

qinnuteqartoq:	qinnuteqaassutaq / siunertaq & piviusunngortilersaagarlu:	akuersissut:
	<p>naasaat misilittagaqarfiallu kinguneqarput ilisimasassarsiorluni angalaneq nunat tamat akornanni iluatsilluartutut ataqqinartutullu nalilerneqartarluni.</p> <p>Isiginnaagassiaq nalunngisat killeqaqisut aallaavigalugit, kisianni inughuit peqataa-nerinut ilisimasat annertunngikkaluit aallaavigalugit ilisimasassarsiorluni angalaner-mi peqataa-nerat malunnartinniarneqarpoq. Nunatta Katersugaasivia & Toqqorsivia-ni isumaqarpugut isumaqarluartoq aamma pingaaruteqartoq inughuit amigaataa-sinnaanngitsumik peqataasimanerat qaammarsaaffigineqartariaqartoq. Isiginnaa-gassiap piviusunngortinneqarsinnaanera anguniarlugu ilaannaasumik 20.000,- ko-ruuninit tapiiffigineqarnissaq qinnutigaarput.</p> <p>Inuit amerlassuaat taaneqanngitsut piviusunngortilersaakkami peqataapput. Isiginnartitsisartut 2-t peqataallutik.</p>	
<p>Hjørdis Viberg Tasiilaq Søren Würz Nuuk Anette Molbech Helsingør</p>	<p>Atuakkiornermut Ilinniarfik Angalajuartoq Helsingør suleqatigalugit Kommuneqarfik Sermersooq Ungdomskulturhuset i Tasiilaq Tasiilaq Tasiilaq-mi Ungdomskulturhuset Igdloo-p ammarnersiorneqarnissaanut: Tusarnaar-titsineq aamma nipilersoqatigiinneq Nanook-ip aamma Tasiilaq-mi inuusuit akor-nanni pisussaq.</p> <p>Ungdomskulturhuset ammarnersiorneqassaaq sap. ak. 37-mi peqataatinneqassallu-tillu Tasiilaq-mi inuusuttut. Aamma peqataassapput aningaasaateqarfiit illorsuup sanaartorneqarneranut aningaasaleeqataasut. Nanook-ip tusarnaartitsinera nipiler-soqatigiinneruvoq Frederik aamma Christian Elsner-ikkut Ungdomskulturhus-imi nipilersoqatigiinerisigut, kiisalu inuusuttut peqataanissaannut aamma aggersarne-qarlutik. Taamaalilluni pilersinneqassalluni tusarnaartitsineq aamma allanit peqa-taatitsineq inuusuttunut aamma inuusuttunit illoqarfimmeersunit. Pisussat pissap-put Ungdomskulturhus-imi.</p> <p>Ungdomskulturhuset pilersinneqarpoq inuusuttunit atorineqartussanngorlugu, aam-ma tassani assigiinngitsunit sammisaqarsinnaallutik, ilaatigut nipilersornermik. Tas-</p>	<p>50.000</p>

qinnuteqartoq:	qinnuteqaassutaq / siunertaq & piviusunngortilersaagarlu:	akuersissut:
	<p>sani illorsuarmi nipilersornermut sungiusarfeqarpoq aamma suliniummut 2017-mi suliniummut aningaasaliissutaallutik nipilersuutit.</p> <p>Ammaanersiornermi tusarnaartitsineq piorsarsimassutikkut aamma inuit akornanni ataatsimooqatigiiffikkut sammisassaqatigiiffiussalluni, illorsuarlu sanaartorneqar-simalluni anguniarlugit: Akulerunnikkut peqataaqatigiinneq inuusuttut akornermin-ni piorsarsimassutsikkut sammisaqarfigisinnaasaat inuusuttut sumiiffiginnaasaat - imigassartorfiunngitsoq aamma anguniarneqarluni nuannersumik inooqatigiissin-naanerop annertusarnissaa, inuunermik ingerlatsiinnarnissamut piumassuseqarneq aamma Tasiilaq-mi inuusuttut ataqatigiinnerunissaat.</p> <p>Inuit 3 + sumiiffimmi peqataasussat suliniummi peqataassapput.</p>	
<p>Lone Nikolajsen Hansen Neriunaq Kapisillit</p>	<p>Kapisillit-ni meeqqat Neriunaq Kapisillit Kapisillit-ni meeqqaat juullerpalaartorsiornissaat. Kapisillit-ni meeqqat juullip nuannersuinit misigisaqarnissaannut tapiiffigineqar-nissamut qinnuteqarpunga. Sumiiffimmi mikisumi amerlanngitsunik innuttaqartu-mi ataatsimoorluni nuannaaruteqarsinnaaneq pisariaqarluinnarpoq, arlaat ataatsi-moorfiusinnaasoq aamma erininarsinnaasoq. Suliniummi sammineqassapput ataatsimoorluni nereqatigiinneq, orpilissamik kaa-viineq, tamanullu poortugarsiassat. Ukiuni kingullerni marlunni suliniut piviusunngortittarsimavara. Tapiiffigineqarnissamut qinnuteqarpunga sumiiffimmi innuttakittumik aningaasa-nit katersuiniarneq ajorkusooqimmat. Inuit 6-llit suliniummi peqataapput.</p>	<p>3.000</p>



qinnuteqartoq:	qinnuteqaassutaq / siunertaq & piviusunngortilersaagarlu:	akuersissut:
<p>Aviaaja Geisler Jane Nørgaard Gai Nuuk</p>	<p>Timersoqatigiit Kattuffiat Nuuk Kommuneqarfik Sermersooq-mi paaqqinnittarfiit aalassarissullit. Pingaaruteqarpoq meeqqagut inuunermi siusittukkut aalaneq timersornerlu nuannarilerpassuk. Kommuneqarfik Sermersooq-mi paaqqinnittarfiit suleqatigalugit angorusupparput paaqqinnittarfinni sulisut ajornanngitsumik nalunaatsumillu meeqqat ulluinaanni timip aalatittarnissaata akuutinneqalernissaa. Taamaammat Kids Sport suleqatigalugu sammisaqarnissamut aaqqissukkat pilersinneqarnissaat, atortorissaarutit aamma sulerinissamut allattorsimaffiit, taakku aallaavigalugit sulisut meeqqat ajornaatsumik timimik aalatitsinissaq nuannersoq aallartissinnaassammassuk, iluatsillugulu timersuutit pinnguaatillu nutaat misilerarsinnaalerlugit. Aaqqissorlugit sammisassat Timersoqatigiit Kattuffiat-ni ilaasortaasut peqataanisaat aallaavigissavaat, ineriartortinneqassammata aaqqissorlugit sammisassaqarnermi allattukkat, tassani ersillutik timersornermut atortut, kiisalu pinnguarluni sammineqarsinnaasut allattuilluni takusassiani kusanartuni ersittut, ajornaatsumik meeqqanit inersimasunillu aqunneqarsinnaasut. Meeqqueriviit Kommuneqarfik Sermersooq-mi tamarmiusut pissavaat sammisassaqartitsinermi poortukkat ukiup ingerlanerani tallimat, tigummiinnagassaat aamma namminneq piumasartik atorlugu atorsinnaasaat. Piviusunngortilersaakkami ingerlateqqinneqassapput Kommuneqarfik Sermersooq-mi misilittakkat aamma unammillernartitat, paaqqinnittarfinni perorsaaner-mi timersornerup akuutinneqarnissaa. Suliniut ataavartumik nalilersorneqartassaaq, anguniarneqarluni aallutat naleqqussarneqartarnissaat aamma aallutat kommune-nut allanut siaruarneqarsinnaanera. Inuit sulisut 300-t aamma meeqqat 0-niit 6-nut ukiullit 1.500-it suliniummi peqataasapput.</p>	<p>69.650</p>



Akuersissutit
31. august 2021
nittarneqartut

qinnuteqaatit jun jul aug 2021
tigosimasat kisiisa aallaavigalugit akuersissutaasut
qinnuteqaatit 100.000,- kr. ataallugit annertussusillit kisiisa



qinnuteqartoq:	qinnuteqaassutaq / siunertaq & piviusunngortilersaagarlu:	akuersissut:
----------------	---	--------------

2021-mi augustimi akuersissutit katinnerat qinnuteqaatit majimi, junimi & julimi 2021-mi tigusimasavut aallaavigalugit:	422.200
--	---------

Takusassiaq una 2021-mi ukioq tamaat akuersissutit allattorsimaffiani aamma akuuvoq. Akuersissutit ukiuni aggersunut atasut ukiut aggersut pineqarfiini ilaatinneqarput.	
---	--